

路帝

王

世

史紀



紀 世 王 帝

著 謚 甫 皇

編主五雲王

編初成集書叢

種一他其及紀世王帝

中華民國二十五年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

殿

集

帝王世紀序

皇甫謐帝王世紀。南宋人猶及見之。至宋末始亡。元明人所稱述。皆卽諸書中展轉援引。非尙見全書也。顧君尙之。觀光嘗以諸書所引。依時代先後。整齊排比。凡三易稿。書成。以眎予。予案史稱皇甫謐從外弟梁柳得古文尙書。故作帝王世紀。往往載孔傳五十八篇之書。今考謐所引用。不過五子之歌。仲虺之誥。湯誥。伊訓四篇而已。然引伊訓夏師敗績。乃伐三臙二句。不見今書。而述論語予小子履七句。以爲桑林禱雨之辭。則顯與湯誥相違。竊謂謐所見之湯誥。伊訓。亦未必盡與今同也。敍干戚服苗事。在舜卽位初年。而於禹攝後則云有苗氏叛。南征。崩於鳴條。此其未見大禹謨之明證也。論文王受命改元。引周書文傳。解以九年猶召太子。明其七年未崩。而不引武成九年大統未集。此其未見武成之明證也。他若孔序謂伏羲氏造書契。而世紀云黃帝史倉頡始作文字。孔傳謂堯年十六。以唐侯升爲天子。而世紀云年二十而登帝位。孔傳謂七十載求禪。試舜三載。而世紀云堯在位五十年。登舜二十年。始老。使舜攝政。孔傳以放助。重華。文命。爲史臣贊美之辭。而世紀以爲堯舜禹之名。孔傳以太甲繼湯。而世紀尙有外丙仲壬二君。孔傳以三監爲管。蔡。商。而世紀以爲管叔。蔡叔。霍叔。使皇甫謐果得孔書。不應牴牾若此。妄意其時孔傳尙在權輿。卽二十五篇之書。亦未必如今之完備。故自夏商四篇而外。絕無隻字及之。觀鄭氏尙書

注引伊訓征是三臞一語。與世紀略同。而周官太師、太傅、太保茲惟三公之文。乃先見於鄭志。可見魏晉之際。真古文未盡亡。好事者搜集遺文。重爲補綴。蓋不出於一人。亦不成於一時。宋以後儒者。類能攻駁古文。或斷然以爲出皇甫謐手。是未取帝王世紀之文與孔書互相勘也。西京而下。史籍大備。而秦以前事。惟有太史公書。又疏略已甚。皇甫謐博採經傳雜書。以補史遷之缺。所引世本諸書。今皆亡佚。斷壁殘圭。彌堪寶重。其論地理。能於舊說外自出新意。如引孟子湯居亳。與葛爲鄰。證湯都在穀熟。不在偃師。引立政三亳阪尹。證穀熟。偃師。景亳皆有亳名。其說實較舊說爲長。近人好言漢學。以其異於鄭氏而擯斥之。乃門戶之見。非是非之公也。去古既遠。梁武通史、元暉科錄之類。無一存者。而世紀一書。諸家徵引獨多。是編輯既詳。編次尤審。垂諸藝林。未始非窮經之一助。予故爲申明其指而梓之。庚子五月望日錢熙祚序。

帝王世紀

晉 皇甫謐撰

天地未分謂之太易。御覽

元氣始萌謂之太初。同上

氣形之初謂之太始。同上

形變有質謂之太素。太素之前幽情寂寞不可爲象。惟虛惟無。蓋道之根。道根既建。此句根字依張衡靈憲補猶無生

有。猶即太素始萌字。太素下原衍質字。依靈憲刪。萌而未兆。謂之龐洪。蓋道之榦。道榦既育。此句道榦字。依靈憲補。萬物成體。於是

剛柔始分清濁始位。天成於外而體陽。故圓以動。此下當有缺文。蓋道之實。同上

質形已具。謂之太極。同上

天子至尊之定名也。應神受命爲天所子。故謂之天子。故孔子曰。天子之德。感天地。洞八方。是以功合神

者稱皇。藝文功作化。德合地者稱帝。義合人者稱王。二句依初學記。初學記九藝文十一。御覽七十六。

天地開闢。有天皇氏。地皇氏。人皇氏。或冬穴夏巢。或食鳥獸之肉。陳本書鈔百五十八。

伏羲神農黃帝爲三皇。少昊高陽。史記正義作顓頊。高辛唐虞爲五帝。史記五帝紀索隱正義又

太昊帝庖犧氏風姓也。母曰華胥。燧人之世有巨人跡出於雷澤。月令疏云有大人之迹出於雷澤之中。華胥以足履之。有

娠生伏羲。月令疏作庖犧。與上下文合。長于成紀。長字依易疏補。蛇身人首。有聖德。御覽七十八此下有都陳作瑟三。燧人氏

沒。庖犧氏代之。繼天而王。首德于木。爲百王先。帝出于震。未有所因。故位在東方。主春。象日之明。書鈔七

而象日。即約此文。是稱太昊都陳。作瑟三十六弦。長八尺一寸。此句依初學記補。制嫁娶之禮。未有文章。此句依書鈔補。取犧

牲以充庖廚。月令疏作洪。以食天下。此句依後漢書班固傳注補。故號曰庖犧氏。是爲犧皇。後世音謬。故謂之伏犧。或謂之

慮犧。家訓書證。編作宓犧。一號雄皇氏。易疏作皇雄氏。月令疏作黃熊氏。在位一百二十年。御覽作一百一十年。已上並以易繫辭

又三百六十參定。崩葬南郡。或曰冢在山陽高平之西也。補史記三皇紀注。

太昊庖犧氏風姓。有景龍之瑞。故以龍紀官。初學記三十。御覽九百二十九。事類賦注二十八。

伏羲氏仰觀象於天。俯觀法於地。觀鳥獸之文。與地之宜。近取諸身。遠取諸物。於是造書契以代結繩之

政。畫八卦以通神明之德。以類萬物之情。所以六氣六府五藏五行陰陽四時水火升降得以有象百病

之理得以有類。乃嘗味百藥而制九針以拯天枉焉。御覽七百二十一。

庖犧氏沒。女媧氏代立。已上依易繫辭傳疏補。易疏又有。亦風姓也。承庖犧制度。始作笙簧。無所革造。故

易不載。不序於行。自始作笙簧至此。依明堂位疏。亦蛇身人首。一號女希。是爲女皇。其末有諸侯共工氏。

任智刑以強伯而不王。以水承木非行次。故易不載。初學記九。御覽七十八。

女媧氏沒。大庭氏王有天下。次有柏皇氏、中央氏、栗陸氏、驪連氏、赫胥氏、尊盧氏、混沌氏、皞英氏。初學記脫此一
世。有巢氏、朱襄氏、葛天氏、陰康氏、無懷氏。凡十五世。皆襲庖犧氏之號。易繫辭傳疏禮記書名疏初學記九

易稱庖犧氏沒。神農氏作。是爲炎帝。史記五帝紀集解

炎帝神農氏。姜姓也。母曰任姒。易疏作任已。書鈔二十三引佳已。感神龍而生。神農佳卽任之誤。有嶠氏之女。名女登。爲少典正妃。遊於

華山之陽。有神龍首感女登於常羊。易疏作尙羊。生炎帝。人身牛首。長於姜水。因以氏焉。此句依御覽七十補。有聖德。繼

無懷氏後。以火承木。位在南方。主夏。故謂之炎帝。都於陳。作五絃之琴。始教天下種穀。故人號曰神農氏。

人字曰字。並依禮記書名疏補。又御覽此下云凡八世。帝承帝臨。帝明。帝直。帝來。帝哀。帝榆罔。依易疏移置後。又曰本起烈山。或稱烈山氏。此句依易疏。又祭法

烈山。或時稱之。一號魁隗氏。是爲農皇。或曰炎帝。時諸侯夙沙氏叛。不用命。箕文諫而殺之。炎帝退而修德。夙沙

之民。自攻其君而歸炎帝。炎帝自陳營都于魯曲阜。此句依史記周本紀正義。又五帝紀正義云。以火德

氏。又曰列山氏。按此文與諸書所引前後互異。今不從。重八卦之數。究八八之體。爲六十四卦。在位一百二十年而崩。葬長沙。納奔

水氏女。曰聽訞。生帝臨魁。次帝承。御覽帝承。在帝臨前。次帝明。次帝直。次帝釐。御覽作來。來釐二字古通。次帝哀。次帝榆罔。凡八

世。合五百三十年。易繫辭傳疏。史記五帝紀正義。初學記九。藝文十一。御覽七十八。參定。

炎帝神農氏。長於江水。此江字誤。始教天下耕種五穀而食之。以省殺生。嘗味草木。宣藥療疾。救夭傷人命。百

姓日用而不知。著本草四卷。御覽七百二十一。

蚩尤氏強與榆罔爭王於涿鹿之阿。御覽五十六

黃帝有熊氏少典之子。姬姓也。母曰附寶。其先即炎帝母家有嬌氏之女。世與少典氏婚。故國語兼稱焉。

及神農氏之末。少典氏又取附寶。見大電光繞北斗。樞星照郊野。感附寶。孕二十五月。易繫辭傳疏書序疏並作二十四月

生黃帝於壽邱。自神農氏至此又見初學記一御覽七長於姬水。因為姓。此句依史記五帝紀索隱補日角。二字依書疏補龍顏。有聖德。受

國于有熊。居軒轅之邱。故因為名。又以為號。此四句又見史記五帝紀集解治五氣。設五量。及神農氏衰。已上並以藝文十一御覽

七十九參定蚩尤氏叛。不用帝命。黃帝於是修德撫民。御覽撫作化始垂衣裳以班上下。剡木為舟。剡木為楫。舟楫

之利。以濟不通。服牛乘馬。以引重致遠。重門擊柝。以待暴客。斷木為杵。掘地為臼。杵臼之用。以利萬人。弦

木為弧。剡木為矢。弧矢之利。以威天下。易繫辭傳疏云。帝王世紀載此。諸侯咸叛神農而歸之。叛並作去。九事皆為黃帝之功。即約此文。

黃帝於是乃擾馴猛獸。與神農氏戰於阪泉之野。三戰而克之。御覽七十九引此二句。前後兩見。蓋從類書中展轉援引。失刪重複也。今審文義刪併。

又徵諸侯。使力牧、神皇直討蚩尤氏。擒之于涿鹿之野。易繫辭傳疏引作擒。史記索隱邱作谷。又自黃帝於是乃擾馴猛獸至此。並依藝文十一御覽七十九補正。或曰。黃帝斬蚩尤于中冀。因名其地曰絕轡之野。二句依史記索隱補。又見藝文六御覽七十九補正。

從而征之。凡五十二戰。而天下大服。御覽七十九作誤。俯仰

天地。置衆官。故以風后配上台。天老配中台。五聖配下台。謂之三公。其餘知天規。紀地典。力牧、常先、大鴻

神皇直。神下原衍農字。依前文刪。封鉅、大鎮、大山稽、鬼臾區、封胡、孔甲等。或以為師。或以為將。自風后至此。並依後漢書張衡傳注。御覽七十

九補分掌四方各如已視故號曰黃帝四目又使岐伯嘗味草木初學記二十御覽典醫療疾療字依初

正今經方本草之書咸出焉御覽七百二十一引岐伯黃帝臣也帝使岐伯嘗味草其史倉頡又取象鳥

跡始作文字史官之作蓋自此始記其言行策而藏之名曰書契自倉頡至此並依書鈔五十五御覽七

書契始作即約此文自黃帝以上穴居而野處死則厚衣以薪葬之中野結繩以治及至黃帝為築宮室

上棟下宇以待風雨而易以棺槨制以書契百官以序萬民以察神而化之使民不倦後作雲門咸池之

樂周禮所謂大咸者也於是人事畢具得寶鼎興封禪有景雲之瑞故以雲紀官二句又見御覽為雲師

以土德王自初學記九補黃帝在位百年而崩年百一十歲矣史記五帝紀集解或傳以為仙或言壽三

百年初學記故宰我疑以問孔子孔子曰民賴其利百年而崩民畏其神百年而亡民用其教百年而移

初學記引三民字故曰三百年見神農氏衰至此並黃帝亦號帝鴻氏或曰歸藏氏或曰帝軒次律定姓

紀鐘甄聲四字依書有四妃生二十五子亦號帝鴻氏至此並見御覽七十九元妃西陵氏女曰嫫祖生

昌意次妃方雷氏女曰女節生青陽次妃彤魚氏女生夷鼓一名蒼林次妃嫫母班在三人之下自元妃

已下並見史記黃帝時螭大如虹御覽九百四十七又占經

黃帝伐九黎書鈔

黃帝於東海流波山得奇獸狀如牛蒼身無角能走出入水中則風雨光如日月其音如雷名曰夔黃帝

殺之。以其皮爲鼓。聲聞五百里。初學記九。御覽五百八十二。又八。百九十九。事類賦十一。注參定。

黃帝夢大風吹天下之塵垢皆去。又夢人執千鈞之弩。驅羊數萬羣。帝寤而歎曰。風爲號令執政者也。垢

去。土后在也。天下豈有姓風名后者哉。夫千鈞之弩。異力能遠者也。驅羊數萬羣。是能牧民爲善者也。天

下豈有姓力名牧者哉。於是依二夢之占而求之。得風后於海隅。登以爲相。得力牧於大澤。進以爲將。黃

帝因著占夢經十一卷。史記五帝紀正義。御覽三十七。又三百九十七。參定。

黃帝服齋于宮中。坐于元扈洛上。乃有大鳥雞頭。鸛喙龜頸。龍形麟翼。魚尾。其狀如鶴。體備五色。三文成

字。首文曰順德。背文曰信義。膺文曰仁智。不食生蟲。不履生草。或止帝之東園。或巢阿閣。其飲食也。必自

歌舞。音如簫笙。初學記三十。御覽九百十五。

國安其主好。文則鳳皇翔。御覽九百十五。事類賦注十八。

黃帝五十年秋七月庚申。天大霧三日三夜。御覽八百七十二。誤作三。禮依占經百一。改。霧除。二字依經補。帝遊洛水之上。見大魚

負圖書。殺五牲以醺之。六帖七引五。性作三。性誤。天乃甚雨七日七夜。魚流于海。始得圖書。此下有焉字。事類賦注三引。今河圖帝

視萌之篇是也。河圖即其書也。今之世傳大霧三日。必有甚雨。自此始也。初學記六。藝文二。又九十九。御覽

凡重霧三日。必大雨。雨未降。其霧不可冒行也。初學記二。御覽十五。

黃帝損庖羲之瑟。爲二十五弦。長七尺二寸。書鈔百九。

黃帝臣容成造歷

元和三鐘纂

黃帝使伶倫於大夏之西

書鈔百六引黃帝使伶倫氏于夏為渡漳之歌也疑即此文而脫誤不可讀陳本書鈔無于夏二字蓋以意刪

崑崙之陰取竹解谷其

竅厚均者斷兩節間吹之以為黃鐘之管以象鳳鳴雌雄各六以定律呂以分星次

五行大義論律呂第五又書鈔十七引

聽鳳以定律即約此文

黃帝有熊氏命雷公岐伯論經脈傍通問難八十一為難經教制九針著內外術經十八卷

御覽七百二十一

黃帝采首山銅鑄鼎荆山下有龍垂胡髯而下迎黃帝羣臣欲從持龍髯髯拔遂墮

御覽九百二十九

葬于上郡陽周之橋山

御覽七十九

子青陽代立是為少皞

易繫辭傳疏

少昊帝名摯字青陽姬姓也母曰女節黃帝時有大星如虹

易繫辭傳疏虹作斗

下流華渚女節夢接意感而生少

昊是為元囂降居江水有聖德邑于窮桑以登帝位都曲阜故或謂之窮桑帝以金承土即圖讖所謂白

帝朱宣者也故稱少昊號曰金天氏

曰字依月令疏補

在位百年而崩

易疏作八十四年初學記九藝文十一御覽七十九

少昊時有鳳鳥之瑞以鳥紀官於是修其方利器用政度量戶無淫民天下大治作樂曰九淵也

書鈔百五又十

七引末句無也字

帝少昊崩其神降于長流之山於祀主秋

家訓書證篇

帝顓頊高陽氏黃帝之孫昌意之子姬姓也母曰景僕

易繫辭傳疏作昌僕

蜀山氏之女為昌意正妃謂之女樞金

天氏之末。瑤光之星貫月如虹。感女樞於幽房之宮。此二句依易繫辭傳生顓頊於若水。易疏作弱水首戴干

戈。有聖德。父昌意雖黃帝之嫡。以劣降居。若水為諸侯。及顓頊生。十年而佐少昊。十二年而冠。二十年而

登帝位。此句年字依月令疏補平九黎之亂。以水承金。位在北方主冬。此三句依初學記九補以水事紀官。命南正重司天以

屬神。北正黎司地以屬民。治要北作火於是民神不雜。萬物有序。始都窮桑。後徙商邱。命飛龍効八風之音。作

樂五英。以祭上帝。納勝墳氏女。嫁生老童。世有才子八人。號八凱。顓頊在位七十八年。年九十八歲。此句依史

記五帝紀據左氏。此三字依史記歲在鶉火而崩。葬東郡頓邱廣陽里。已上並以藝文十一御覽七十九參定少皞之孫。嶠極

之子代立。是為帝嚳。易繫辭傳疏

帝嚳高辛氏。姬姓也。其母不見。初學記九作不覺。史記五帝紀正義引此句作嚳母無聞焉生而神異。自言其名曰嗇。齟齬有聖德。史

五帝紀正義引能順三辰。此句依五行大義論年十五而佐顓頊。三十而登帝位。都亳。以木承水。此句依初學記

作齟齬有德補九以人事紀官。故以勾芒為木正。祝融為火正。蓐收為金正。元冥為水正。后土為土正。是為五行之官。字為

依書鈔四分職而治諸侯。於是化被天下。遂作樂六莖。以康帝位。世有才子八人。號曰八元。亦納四妃。卜

其子皆有天下。元妃有郃氏女曰姜嫄。生后稷。次妃有娥氏女曰簡狄。此句依史記五帝紀生嵩。次妃

陳豐氏女曰慶都。生放勳。次妃姬訾氏女曰常儀。生帝摯。帝嚳在位七十五年。年一百五歲而崩。葬東郡

頓邱城南廣陽里。城南二字依水經淇水注補已上子帝摯立。在位九年。摯立不肖而崩。弟放勳代立。是

爲帝堯。易繫辭傳疏。

帝嚳擊磬。鳳皇舒翼而舞。六帖九十四。

帝摯之母於四人之中。班最在下。而摯年於兄弟最長。故得登帝位。封異母弟放。助爲唐侯。摯在位九年。

政微弱。而唐侯德盛。諸侯歸之。摯服其義。乃率其羣臣造唐。而致禪。因委至心。願爲臣。唐侯於是知有天命。乃受帝禪。而封摯於高辛氏。事不經見。漢故議郎東海衛宏所傳云爾。史記五帝紀正。

帝堯陶唐氏。祁姓也。母曰慶都。生而神異。常有黃雲覆其上。此三句又見藝文一。爲帝嚳妃。出以觀河。遇

赤龍。晡然。陰風而感慶都。此三句依易繫辭傳疏補。又書鈔百。孕十四月。而生堯於丹陵。名曰放勛。鳥庭

荷勝。眉有八采。豐下銳上。此三句依初。或從母姓伊氏。此句依。堯初生時。其母在三阿之南。寄於伊長孺

之家。故從母所居爲姓也。此四句別見史記五帝紀索隱。按文義當在此。年十五而佐帝摯。受封于唐。爲諸侯。身長十尺。常夢攀

天而上之。故年二十而登帝位。以火承木。都平陽。置敢諫之鼓。治要敢作欲。又御覽此下有天下大。命羲

和四子羲仲。羲叔。和仲。和叔。分掌四時方嶽之職。故名曰四嶽也。諸侯有苗氏。處南蠻而不服。堯征而克

之于丹水之浦。乃以尹壽許。由爲師。命伯夔放山川谿谷之音。書鈔十七引帝堯。作樂大章。天下大和。百

姓無事。有八十老人。藝文治要八並作五。樂府。擊壤于道。觀者歎曰。大哉帝之德也。老人曰。吾日出而作。

日入而息。鑿井而飲。耕田而食。帝何力於我哉。治要作帝力。於是景星耀於天。甘露降於地。朱草生於郊。

鳳凰止於庭嘉禾孳於畝醴泉湧於山有焦僂氏來貢沒羽廚中自生肉脯其薄如翼形搖鼓則自生風

使食物寒而不臭名曰嬰脯此五句又見初學記一御覽九又有草夾階而生隨月生死每月朔日生一莢至月半則生

十五莢至十六日後日落一莢至月晦而盡若月小則餘一莢厭而不落自每月朔日至初學記王

者以是占日月之數初學記藝文並作唯盛德之君應和氣而生以為瑞初學記藝文四御覽四補王

刪補故堯有之名曰蓂莢一名歷莢一名瑞草堯率諸侯羣臣沈璧於河河上原衍洛字依文受圖書

今尙書中候握河紀之篇是也堯與羣臣沈璧于河乃為握河紀今尙書候是也與此文小異始封稷契

咎繇褒進伯禹納舜於大麓後年二月又率羣臣刻璧為書東沈于洛言天命當傳舜之意今中候運衡

之篇是也始堯在位五十年登舜二十年而老使舜攝政自始堯在位至此攝政二十八年堯與方回遊

陽城而崩尙書所謂二十有八載放勳乃殂落是也御覽此下有百姓如喪考妣三載四凡堯卽位九十

八年通舜攝二十八年也此句依史記五凡年百一十八歲乃殂百姓如喪考妣三載四海遏密八音葬

于濟陰之成陽西北四十里此三字依水經是為穀林史記五帝紀集解引穀墨子以為堯堂高三尺土

階三等茅茨不翦採椽不斷夏服葛衣冬服鹿裘此四句依北教八狄道死葬蛭山之陰山海經曰堯葬

狄山之陽一名崇山二說各殊以為成陽近是堯冢也自北教八狄至此並堯取散宜氏女曰女皇藝文

富又御覽百三十五皇作瑩生丹朱又有庶子九人皆不肖故以天下命舜曰咨爾舜天之歷數在爾躬允執其中四

海困窮。天祿永終。及堯三年喪畢。舜踐天子位。藝文十一。御覽八十參定。

堯時日月如合璧。書鈔百五十。

堯流共工於幽洲。以竄北狄。遷三苗於三危。以竄西戎。放驩兜於崇山。以竄南蠻。殛鯀於羽山。以竄東夷。

五行大義論諸人第二十三。

舜爲堯司徒。子孫氏焉。元和姓纂七之。又通志氏族略四子作支。

禹爲堯司空。子孫氏焉。姓氏書辯證七之。

堯以甲申歲生。甲辰卽帝位。甲午徵舜。甲寅舜代行天子事。辛巳崩。年百十八。在位九十八年。史記五帝紀集解。

帝舜卽有虞氏。此句依初學記九。藝文十一。姚姓也。其先出自顓頊。顓頊生窮蟬。窮蟬有子曰敬康。敬康生勾芒。依初學記。

疊敬康二字。下瞽瞍同。勾芒有子曰橋牛。橋牛生瞽瞍。瞽瞍妻曰握登。陶唐之世。握登此六字依藝文十補。見大虹。意感而生。

舜於姚墟。故姓姚氏。此字依初學記補。目重瞳子。故名重華。二句依史記五帝紀正義補。字都君。龍顏大口。黑色。身長六尺一

寸。書鈔一引舜身長六尺。有聖德。始遷於負夏。販於頓邱。責於傅虛。家本冀州。每徙則百姓歸之。其母早死。瞽瞍更

娶生象。象傲而父頑。母嚚。咸欲殺舜。舜能和諧。大杖則避。小杖則受。史記五帝紀索隱說焚廩事。引皇甫謐云。兩繳繳笠類。因不成句。故不補。

入年二十。始以孝聞。堯求賢。而四嶽薦舜。堯乃命于順澤之陽。二句依文選曲水詩序注補。以二女娥皇女英妻之。耕

于歷山之陽。耕者讓畔。漁于雷澤。漁者讓淵。陶于河濱。陶者器不窳。此上並依初學記補正。堯於是見舜于貳宮。御覽

百七十三引堯有設饗禮迭爲賓主南面而問政然後賜以絺衣翠瑟爲築宮室爲字依襄字封之於虞

故尙書云釐降二女於媯汭嬪於虞卽此也自然後賜以絺衣至此並依堯乃命舜爲司徒太尉此句依

試以五典遂舉八凱使佐后土以揆百事舉八元使布五教于四方四惡除而天下咸服此句依初舜於

是有大功二十故夢眉長與髮等遂納于大麓烈風雷雨弗迷二句依初堯乃賜舜以昭華之玉老而命

舜代己攝政明年正月上日舜始受終于文祖以太尉行事舜攝政二十八年而堯崩三年喪畢舜年八

十一此上並依初以仲冬甲子月次于畢始卽眞改正朔此三字依文選以土承火色尙黃尙書中候所

謂建黃授正改朔此句依文以正月元日格于文祖二句依初乃詢四岳闢四門明四目達四聰東巡狩

登泰山觀河渚書鈔十六受圖書褒賜羣臣尊任伯禹稷契皋繇伯益地有苗氏負固不服禹請征之舜

曰我德不厚而行武非道也吾前教由未也由卽乃修文教三年文字依初執干戚而舞之有苗請服立

誹謗之木申命九官十二牧及殳戕朱虎熊羆等二十五人三載一考績三載依經文當黜陟幽明禹爲

司空功被天下棄爲后稷播時百穀契爲司徒敬敷五教皋繇爲士典刑惟明倬爲共工莫不致力益爲

朕虞庶物繁植伯夷爲秩宗三禮不闕夔爲樂正神人以和龍爲納言出內惟允於是俊乂在官羣后德

讓百僚師師以五采章施於五色爲服爲字依以六律五聲八音協治治用之和蒸民乃粒萬邦作乂庶

績咸熙乃作大韶之樂簫韶九成鳳凰來儀擊石拊石百獸率舞故孔子稱韶盡美矣又盡善也景星曜